



SOGN OG FJORDANE
SKIKRINS

- MØTE NR.:** 01 i tingperioden 2013-2015
- FRÅ:** Styret i Sogn og Fjordane Skikrins
- STAD/DATO:** Loen, Hotell Alexandra / 13.-14. September 2013
- TIL STADES:** Inge Fænn, Hallvard Nygård, Reidun Hegrenes, Arthur Hegrenes, Gunnar Fannemel, Lilly Schøyen, Asle Sande og Yngve Thorsen (adm.).
- FORFALL:** Anders Felde
- MERKNADER:** I samband med *Sak 01 13-15 Skitinget 2014* deltok følgjande frå Norges Skiforbund:
- Skipresident, Erik Røste
 - Gen. Sek., Stein Opsahl
 - Org. Sjef, Ingvild Bretten Berg
 - Adm. koordinator, Bente Langøren
- REFERENT:** Yngve Thorsen
- SAKLISTE:**
- Sak 01 13-15 Skitinget 2014**
- REFERATSAKER**
- Sak 02 13-15 Godkjenning av innkalling og sakliste**
- ORIENTERINGSAKER**
- Sak 03 13-15 Statoil Hovudlandsrennet Nordiske Greiner 2014**
- DISKUSJON- OG VEDTAKSSAKER**
- Sak 04 13-15 Oppsummering og vidare arbeid m.o.t. Skitinget 2014**
- Sak 05 13-15 Høyringsframlegg –
Regional plan for fysisk aktivitet, idrett og Friluftsliv 2014-2017**
- Sak 06 13-15 Vinterarrangement for Utviklingshemma i Sogn og Fjordane**
- Sak 07 13-15 Skiidrett for alle
– ei informasjonsbrosjyre frå Sogn og Fjordane Skikrins**
- Sak 08 13-15 Miljøsamlingar 2013**
- Sak 09 13-15 Ski i Skulen 2014**
- Sak 10 13-15 Tidspunkt og aktuelle saker for neste møte i Skikrinsstyret**
- RAPPORTERING**
- Sak 11 13-15 Rekneskapsrapport pr. 31.08.2013**
- EVENTUELT**
- Sak 12 13-15 Søknad om økonomisk støtte**
- Sak 13 13-15 Orientering; Norges Skiforbund**
- Sak 14 13-15 Haustmøte 2013**
-



SOGN OG FJORDANE
SKIKRINS

Sak 01 13-15

Skitinget 2014

Bakgrunn

Førebels ansvar- og oppgåvedeling for gjennomføring av Skitinget 2014, samt framlegg til kulturelle innslag er utsendt på førehand.

Skistyret har tidlegare gjort vedtak om at Skitinget 2014 skal avviklast ved Hotel Alexandra i Loen, med Sogn og Fjordane Skikrins som vertskap.

Norges Skiforbund orienterte Skikrinsstyret om rammevilkåra m.o.t. planlegging og gjennomføring av arrangementet.

I møtet fastsette ein førebels ansvar- og oppgåvedeling ifbm. Skitinget, samt rammer for dei kulturelle delane i samband med arrangementet (vedlagt).

Vedtak

Skikrinsstyret tek saka til orientering, og legg orienteringa til grunn i det vidare arbeidet med Skitinget i 2014.

REFERATSAKER

Sak 02 13-15

Godkjenning av innkalling og sakliste

Bakgrunn

Innkalling og sakliste m/ vedlegg er utsendt på førehand.

Vedtak

Skikrinsstyret godkjenner innkalling og sakliste

ORIENTERINGSAKER

Sak 03 13-15

Statoil Hovudlandsrennet Nordiske Greiner 2014

Bakgrunn

Norges Skiforbund v/ Skistyret har tildelt *Statoil Hovudlandsrennet Nordiske Greiner* til Markane IL og IL Veten. Dette på grunnlag av søknad frå Markane IL og IL Veten. Med dette som grunnlag er Markane IL og IL Veten formelt likeverdige arrangørar, med dei same rettighetene og forpliktelsane i gjennomføringa av meisterskapen.

IL Veten ynskjer no ikkje å vere ein likeverdig arrangør, men ynskjer heller ein avtale med Markane IL om den tekniske gjennomføringa av hopp- og kombinert. Dette har vore IL Veten si eiga avgjerd.

Førebels har ikkje laga lykkast å komme til einigheit om ein samarbeidsavtale mellom arrangørane, hovudsakleg grunna økonomi.

Vedtak

Skikrinsstyret tek saka til orientering, og gjer vidare vedtak om at nestleiar og adm. sjef følgjer opp saka.



SOGN OG FJORDANE
SKIKRINS

DISKUSJON- OG VEDTAKSSAKER

Sak 04 13-15

Oppsummering og vidare arbeid m.o.t. Skitinget 2014

Bakgrunn

Gjennomgang av ansvar- og oppgåvedeling, samt kulturelt opplegg ifbm. tinget.

Vedtak

Skikrinsstyret legg vedlagde ansvar- og oppgåvedeling samt rammer for kulturelt program til grunn i det vidare arbeidet med Skitinget.

Sak 05 13-15

Høyringsframlegg –

Regional plan for fysisk aktivitet, idrett og Friluftsliv 2014-2017

Bakgrunn

Fylkesutvalet har i møte 26. juni 2013, jf. FU-sak 56/13, vedteke å sende framlegg til Regional plan for fysisk aktivitet, idrett og friluftsliv 2014-2017 til høyring med høyringsfrist 01. oktober 2013. (NB! Særkrinsane har frist til 15. september med å sende høyringssvar til idrettskrinsen, som koordinerar svara frå idretten i Sogn og Fjordane).

Om planframlegget

Føremålet med regional plan for fysisk aktivitet, idrett og friluftsliv (FIF) er at den skal vere styrande for kva strategiar som skal leggst til grunn for å nå visjonen i planen; tilstrekkeleg fysisk aktivitet for alle innbyggjarane i Sogn og Fjordane.

FIF har skildra dagens situasjon og utfordringar knytt til livsstil og aktivitetsnivå hjå innbyggjarane i fylket. FIF gjer vidare greie for politikk og strategiar som fylkeskommunen legg til grunn for utvikling i Sogn og Fjordane. I handlingsprogrammet vert det gjort greie for kva tiltak som kan setjast i verk for å drifte og utvikle vidare tilbud om fysisk aktivitet for innbyggjarne i Sogn og Fjordane.

Det er også verdt å merke seg at fylkeskommunen gjennom handlingsprogrammet styrer bruken av årleg tildeling av spelemidler til anlegg for idrett og friluftsliv. Dette handlingsprogrammet er delt i to, og viser i vedlegg 4 anlegg som vert foreslått skal få tildelt mdlar dei fire første åra. Vedlegg 5 viser anlegg som kan bli vurdert i seinare periodar.

FIF med handlingsprogram vil erstatte fylkesdelplan (FTP) for idrett, friluftsliv, fysisk aktivitet og folkehelse 2010-2013.

Anlegg med driftstilskot frå fylkeskommunen

Sidan 2002 har fylkeskommunen gitt driftstilskot til store og driftskrevjande anlegg, med vesentleg innslag av frivillig drift og eigarskap. Bakgrunnen for dette tilskotet er at fylkeskommunen har vektlagt at det offentlege må yte ein større innsats i drifta av idrettsanlegg generelt og vinteridrettsanlegg spesielt. Dette gjeld både tilskot til drift og at offentlege anlegg vert stilt gratis til bruk for born og ungdom under 19 år, også for organisert aktivitet.



SOGN OG FJORDANE
SKIKREINS

Med bakgrunn i dette har følgjande anlegg vore prioritert for fylkeskommunalt driftstilskot dei seinare åra:

- Langeland Skisenter (Førde og Gaular Kommunar)
- Ullsheim Skisenter (Stryn Kommune)
- ”Ski i Sogn”, Sogn Skisenter og Hodlekve Skisenter (Sogndal og Luster Kommunar)
- Nordfjord Fritidssnter (Stryn Kommune)

Gjennom ordninga er anlegga tilført kr. 50 000,- i fylkeskommunal stønad til drift, dette under føresetnad av at vertskommunen yter tilsvarende beløp.

I høyringsframlegget til FIF har ein teke denne ordninga ut av planen. Noko som medfører at driftstilskotet står i fare.

Idretten sin plass i planen

Samanlikna med tidlegare fylkesdelplanar har idretten fått svært liten plass i denne planen. Og planen seier lite om korleis fylkeskommunen ser på idretten sine utfordringar i planperioden. Difor bør fylkeskommunen utfordrast på strategiar og tiltak som kan løfte idretten.

Pkt. 5.3 Idrett / pkt. 10.3.2 Organisert aktivitet og frivillig arbeid

Under pkt. 5.3 og 10.3.2 er det viktig å få fram at idretten også aktiviserar den vaksne andelen av befolkninga, ikkje berre born og unge. Skiidretten legg m.a. tilrette aktivitet for vaksne gjennom preparering av langrennsløyper og alpinbakkar. Slik legg ein til rette for både organisert- og uorganisert aktivitet for vaksne. Dette er i hovudsak eit arbeid som i stor grad vert gjort på dugnad av laga og anleggseigarane, og arbeidet er eit svært viktig bidrag for den generelle folkehelsa.

Auke i rammetilskot til frivillige lag og organisasjonar

Det er elles positivt at det i handlingsprogrammet er foreslått ei auke i fylkeskommunale tilskot til frivillige lag og organisasjonar som bidreg til fysisk aktivitet. Det er gjort framlegg om ei auke i fylkeskommunale tilskot med 25% i planperioden. Idretten er den desidert største aktøren som bidreg til fysisk aktivitet i Sogn og Fjordane, difor er det viktig at idretten får sin rettmessige andel av denne auken.

Tilskot til store arrangement

I handlingsprogrammet er det foreslått at fylkeskommunen skal gje økonomisk støtte til fire meisterskap eller internasjonale arrangement i planperioden.

For våre arrangørar av større arrangement (Markane IL, IL Veten, Jølster IL og Luster Telemarklubb) vil dette vere ei ordning som kan skape bedre og meir forutsigbar økonomi i gjennomføringa av arrangement og meisteskap.

Alpinanlegg med høgdeskilnad på 100 meter eller meir

I vedlegg 2 s. 6 er det presisert at det kun er alpinanlegga i Eid, Jølster og Luster Kommunar som har høve til å få spelemidlar.



SOGN OG FJORDANE
SKIKRINS

Skal ein sikre ei fornuftig og berekraftig utvikling i alle etablerte alpinanlegg i fylket, bør denne formuleringa takast vekk, slik at alle anlegg kan komme i posisjon til å søkje om ordinære spelemidlar (ikkje berre nærmiljømidlar etc.)

Vedtak

Sogn og Fjordane Skikrins skal gje eit høyrings svar som m.a. omhandlar følgjande:

- Det fylkeskommunale driftstilskotet må vidareførast jf. eksisterande ordning.
- Idretten sin plass i planen; kva strategiar og tiltak vil fylkeskommunen vektlegge for å sikre idretten sine rammevilkår i planperioden?
- Presiering av at skiidretten tilrettelegg aktivitet også for den vaksne andelen av befolkninga i Sogn og Fjordane, ikkje berre born og unge.
- Skiidretten står for eit betydeleg folkehelsearbeid gjennom tilrettelegging av langrennsløyper, alpin- og hoppbakkar. Her legg ein til rette for både organisert og uorganisert aktivitet for vaksne. Arbeidet med tilrettelegging av anlegg vert i all hovudsak utført på dugnad av idrettslag og anleggseigarar.
- Positivt at ein føreslår auke i rammetilskot til frivillige lag og organisasjonar
- Positivt at ein føreslår ei fast ordning med økonomisk tilskot til store arrangement
- Sikre at alle alpinanlegg i Sogn og Fjordane får høve til å søkje om ordinære spelemidlar
- Fylkeskommunalstønning til anlegg som planlegg tiltak knytt til universell utforming

Sak 06 13-15

Vinterarrangement for Utviklingshemma i Sogn og Fjordane

Bakgrunn

Skikrinsen er blitt oppmoda av Special Olympics Norge (SON) samt ressurspersonar i Sogn og Fjordane om å legge til rette for eit vinterarrangement for utviklingshemma i Sogn og Fjordane.

SON ynskjer at vi skal legge til rette eit arrangement som blir gjennomført innanfor SON sine retningslinjer og regelverk.

Prinsipielt kan ikkje Sogn og Fjordane Skikrins initiere eit arrangement som ikkje er i høve til Norges Skiforbund sitt regelverk. Dette er også i tråd med tilbakemelding frå Norges Skiforbund.

På den andre sida må Skikrinsstyret vurdere om ein skal arbeide for eit slikt vinterarrangement, under føresetnad av at arrangementet vert gjennomført i høve til Norges Skiforbund sine retningslinjer og regelverk.



SOGN OG FJORDANE
SKIKRINS

Vedtak

Skikrinsstyret gjer vedtak om at nettverksperson for integrering, Asle Sande, og adm. følgjer opp saka.

Skikrinsstyret gjer vidare vedtak om at eit evt. vinterarrangement for funksjonshemma skal gjennomførast i høve til Norges Skiforbund sine retningslinjer og regelverk.

Aktuelle tekniske arrangørar av eit Vinterarrangement kan vere Hafslo IL, Markane IL, Breimsbygda IL el. Førde IL.

Sak 07 13-15

Skiidrett for alle

– ei informasjonsbrosjyre frå Sogn og Fjordane Skikrins

Bakgrunn

Framlegg til informasjonsbrosjyre er utsendt på førehand.

Skikrinsen sin ressursperson innan integrering, Asle Sande, har i samarbeid med adm. utvikla ei brosjyre med råd om universell utforming av skianlegg.

Bakgrunnen er at skikrinsen ynskjer å stimulere skianlegga i fylket til å legge dei fysiske tilhøva så godt til rette som mogleg for born og vaksne med nedsett funksjonsnivå. Universell utforming av skianlegg vil gje fleire menneske med nedsett funksjonsevne høve til å delta i både organisert og uorganisert skiaktivitet, og er ein føresetnad for at den vedtekne visjonen «Idrett for alle» skal bli verkeleg.

Ein har vidare fått tilsagn frå fylkeskommunen om kr. 20 000,- til utvikling av brosjyra.

Vedtak

Skikrinsstyret gjer vedtak om at brosjyra skal trykkast og distribuerast til idrettslaga og anleggseigarane i Sogn og Fjordane.

Asle Sande og adm. sjef følgjer opp saka.

Sak 08 13-15

Miljøsamlingar 2013

Bakgrunn

Skikrinsstyret fastset tid og stad for Miljøsamlingane 2013.

Miljøsamlingane er sonevise samlingar på tvers av greinene for aldersgruppa 11-14 år.

Vedtak

Skikrinsstyret gjer følgjande vedtak i saka:

Saman med greinkomiteane får administrasjonen fullmakt til å bestemme tid og stad for Miljøsamlingane 2013.



SOGN OG FJORDANE
SKIKRINS

Sak 09 13-15

Ski i Skulen 2014

Bakgrunn

For fjerde året på rad gjennomførte Sogn og Fjordane Skikrins prosjektet Ski i Skulen i 2013.

Som eit drøftingsgrunnlag for vidareføring av prosjektet i 2014 la adm. fram ein kort rapport for prosjektet.

Prosjektet er gjennomført ved 13 skular i perioden januar-mars 2013.

- Gaupne skule (IL Bjørn)
- Flatbygdi skule (Vik IL)
- Byrkjelo skule (BBIL)
- Flatene skule (Førde IL)
- Tonning skule (Markane IL)
- Nordfjordeid skule (Eid IL)
- Trudvang skule (Sogndal IL)
- Tangen skule (ÅTIL)
- Leikanger barneskule (Syril IL)
- Sunde skule (Førde IL)
- Viksdalen og Frøysland skule (Viksdalen IL)
- Hyen skule (Hyen IL)
- Hauge skule (Haugen IL)

- Tal skiøker pr. skule: 6
- Sum tal elevar: ca. 500

Ved kvar skule er det gjennomført ca. 6 økter à 2 timar på ski frå januar til mars.

For orden skuld legg ein til at når prosjektet starta i 2009 var det 7 skular som deltok i prosjektet, og ca. 300 elevar.

Innhaldet i undervisninga har i stor grad vore leikprega og relatert til langrenn og ein del øvelsar i nedoverbakke, ved ein skilde skular har ein også greidd å involvere alpint også med stor suksess.

I prosjektet har ein gjennomført følgjande modular med fokus på læring av grunnleggande skiferdigheiter:

Skiaktivitet på flate:

- lære ferdigheiter knytt til klassisk skiteknikk, langrenn
- lære ferdigheiter knytt til friteknikk, langrenn

Skiaktivitet i bakke:

- grunnleggande svingteknikk
- grunnleggande hoppeteknikk
- tileigne seg god balanse og generell skiferdigheit i nedoverbakke
- i Sogndal har ein også nytta alpint med stort hell.



SOGN OG FJORDANE
SKIKRINS

Å klare seg ute vinterstid:

- lære å tenne, bevare og kose seg rundt eit bål vinterstid
- lære påkledning vinterstid (kulde, sveitte etc.)

Samarbeid med idrettslaga

Samarbeidet med idrettslaga vurderar vi som stort sett godt.

Nesten alle involverte idrettslag har rekruttert trenarkrefter frå egne rekker til skiundervisninga, samt gjennomført øktene iht. avtale.

Samarbeid med skulane

Samarbeidet med skulane har fungert godt, og skulane har vore fleksible m.o.t. å finne rom for aktiviteten i skuletida. Elles har skulane sjølve organisert busstransport av elevane til og frå skianlegga.

Vi registrerar at samarbeidet mellom idrettslaga og dei lokale skulane også har fungert godt.

Sogn og Fjordane Skikrins har elles forplikta seg til å vidareføre Ski i Skulen gjennom eigen utviklingsavtale med fylkeskommunen. Avtalebeløpet i utviklingsavtalen er kr. 100 000,- pr. år t.o.m. 2015.

Ein har i tillegg søkt om støtte til Ski i Skulen 2014 gjennom Sparebankstiftinga.

Økonomisk resultat frå prosjektet framgår i vedlagde rekneskapsrapport, og kostnadane til skikrinsen er i hovudsak knytt til busstransport for elevar til og frå skianlegga, samt lønn og reisekostnader for instruktørar.

Adm. tilrår at Ski i Skulen vert vidareført i 2014 med same skulane og same innretning som i 2013.

Vedtak

Skikrinsstyret gjer vedtak om å vidareføre prosjektet Ski i Skulen i høve til adm. sitt framlegg.

Sak 10 13-15

Tidspunkt og aktuelle saker for neste møte i Skikrinsstyret

Bakgrunn

Skikrinsstyret fastset tid, stad og aktuelle saker for neste møte i Skikrinsstyret.

Vedtak

Skikrinsstyret gjer følgjande vedtak i saka:

Neste møte i Skikrinsstyret vert avvikla tysdag 22. oktober 2013.

Aktuelle saker til møtet er:

- Status i dei ulike komitèane
- Oppfølging av strategiplan 2013-2017
- M.m.



SOGN OG FJORDANE
SKIKRINS

RAPPORTERING

Sak 11 13-15

Rekneskapsrapport pr. 31.08.2013

Bakgrunn

Rekneskapsrapport pr. 31.08.2013 er utsendt på førehand.
Adm. la fram rapporten.

Vedtak

Skikrinsstyret tek saka til orientering.

EVENTUELT

Sak 12 13-15

Søknad om økonomisk støtte

Bakgrunn

Søknad om økonomisk støtte frå Sogn &Fj Skikrins

Telemarksporten i Sogn og Fjordane har hatt ei sterk utvikling seinaste åra. Det toppa seg forrige sesong med suksessfull gjennomføring av NM i klassisk og klassisk sprint på Sogn Skisenter.

Der vann Sarah Fiskaa Haugen gull og bronse, og fleire hevda seg godt juniorklassen såvel som i dei aldersbestemte landsrenna.

Øvind Vagstad og Sarah hadde frå før medalje (3.-plass) under NM i parallell i Asker i jan og blei i etterkant uttatt til Jr, VM i Chamonix i feb. 2013.

Gunnhild Sofie Vangsnes var reserve der, men blei ilag med Sarah F. haugen plukka ut til å representere Norge under world cup på Geilo i mars.

Det må og nemnast at Sarah der sensasjonelt kom til kvartfinalen i parallell, og at begge jentene var med på Norge sitt lag som vann lagkonkurransen.

Dette viser at nivået er meget høgt på det dei lovande juniorane i satsingsgruppa har fått erfaring frå og

slik har tatt store steg i vidare utvikling.

Slik sett har det vore ein svært aktiv sesong der heile satsingsgruppa i tillegg har delteke på norgescup i bakke og fjelltelemark med mange gode resultat og etablert seg i toppen.

Dei har og deltatt i ei mengd breidde-og juniorsamlingar frå Hintertux i okt,Rjukan og Geilo i des., Bjorli og Hafjell i jan/feb til Galdhøgpiggen og Stryn sommarski i juni,samt barmarksamling no i aug.

Dette nemnt i korte trekk for å visa den store satsinga som vil bli fulgt opp mot nye mål denne sesongen.

Alt dette kostar , og telemarksporten i Sogn og Fjordane håpar krinsen kan bidra her slik at budsjettet kan koma i balanse. Her tenker ein på reise-og overnatting for regionstrenar som fygjer opp satsingsgruppa.

Eit av årets hovedsatsingsprosjekt for telemarkmiljøet her i krinsen er å å auke rekrutteringa og spre sporten til fleire skimiljø i fylket.



SOGN OG FJORDANE
SKIKRINS

På vårfagmøtet på Hamar i juni 2012 blei vi tildelt utmerkinga `årets neslag` for beste gjennomføring av rekruttering-og profileringsprosjektet `Telemarknedslaget` denne sesongen.

Vi fekk 5 barnepakkar med telemarkutstyr og mange godord for opplegget og store oppmøtet som var den helga Telemarkhengaren med utstyr og profiler var på besøk på Sogn Skisenter.

Dette opplegget har vi tenkt å ta med oss til skianlegg i Nord- og Sunnfjord for å skape blest om telemarsporten og få med fleire inn i miljøet. Vi vil prioritere å bruka helgar på dette og har stor tru på at det i lag med lokale skimiljø kan gi auka rekruttering og samarbeid.

Det er klart det er ein del utgifter med å reise rundt med eit slikt opplegg,men vi håpar at krinsen som NSF ser verdien i dette og vi støtte oss her.

Ein annan pris telemarkmiljøet her har fått,er det meget høgthengande `Årets arrangør` som blei tildelt etter NM i 2010,og gir stor anerkjennelse som arrangørar. Det viser og at vi ble forespurt om å ta NM forrige sesong og etterpå fekk mange lovord.

Vi blei og forspurt om å arrangere norgescuprenn denne sesongen og, men har bestemt oss for å ta ein pause på nasjonalfronten og heller fokusere på ein breiare regionscup der vi får med fleire arenaer utanom Sogn. Tidlegare har Nibba i Honindal vore med, og vi håpar å få dei med . I tillegg vil vi forhøyre oss med andre relevante plassar som Harpefossen,Jølster/Førde og Stryn. Dette for å nå ut til fleire miljø,knyta samarbeid og rekruttere fleire til telemarksporten.

No skal det vere lokale arrangørar,men vi kan samarbeide om gjennomføring og totalcupen si ramme.

Her i Sogn vil vi bruke meir tid på og bygge Sognefjordrennet og Heggmyri RettNed og sjå på muligheiten for å ta opp att Tinderittet som ein del av cupen.

I tillegg til at alt dette vil ta mykje tid,vil det og vere ein god del utgifter med ein slik større "fylkescup"-profilering/gjennomføring/premiering ,og det er å håpa at skikrinsen kan støtta oss i dette svært viktige prosjektet.

Regionen vår nyter stor tillit hjå NSF telemark både sportsleg og som arrangør,og ingen blir tildelt meir midlar gjennom regionsprosjektet enn oss. Det er ei stor anerkjennelse og viser at at vi gjer mykje riktig og har gode planar.

Det er og klart at vi treng meir midlar enn det regions-og klubbstøtte gir for å nå fram med dei viktige prosjekta vi har for å utvikle telemarksporten i Sogn og Fjordane vidare.

Som nemnt tidlegare håpar vi sterkt Sogn og Fjordane skikrins ser verdien i dei ovanfornemnte satsingsområda,-og vi vil med dette søka Sogn& Fj skikrins,ved skistyret, om kr. 15 000,- samla til desse satsingane.

*Egil J. Vangsnes
Regiontrenar/Regionsansvarleg*



SOGN OG FJORDANE
SKIKRINS

Vedtak

Skikrinsstyret gjer slikt vedtak i saka:

Av prinsipielle årsaker imøtekjem ikkje Skikrinsstyret søknaden. Styret presiserar at miljøet må få ei tilbakemelding som illustrerer korleis skikrinsen er organisert og korleis organisasjonen elles er finansiert.

Skikrinsstyret oppmodar elles telemarkmiljøet til å opprette ein eigen komitè eller utval underlagt Sogn og Fjordane Skikrins.

Sak 13 13-15

Orientering; Norges Skiforbund Bakgrunn

Skipresident Erik Røste og gen. sekr. Stein Opsahl orienterte Skikrinsstyret om følgjande områder:

- Skipolitisk Dokument 2012-2016:

Skstyret sine prioriteringar i perioden 2012-2014

- Kompetanseutvikling
- Anlegg
- Breidde/rekruttering (fråfall)
- Kommunikasjon

- Prosessen kring søknad om OL i 2022

- Spelemidlar til prepareringsutstyr for langrennsanlegg
 - Ordninga er i 2013 ein del av ordninga knytt til Spelemidlar til utstyr
 - Frå 2014 vil ordninga mest truleg bli ein del av den ordinære ordninga for Spelemidlar til til anlegg

- Økonomisk status og utvikling
- Organisering av administrasjonen i Norges Skiforbund
- Tilstsett ny anleggskonsulent i Norges Skiforbund, Marit Gjerland
- Utvikling markedsarbeid i Norges Skiforbund
- Arrangement; world cup (Kvitfjell, Holmenkollen, Drammen, Lillehammer og Trondheim)
- Norges Skiforbund sin landslagsmodell

Vedtak

Skikrinsstyret tek saka til orientering.

Sak 14 13-15

Haustmøte 2013 Bakgrunn

Skikrinsstyret fastset tid og stad for Haustmøte 2013.

Vedtak

Skikrinsstyret gjer vedtak om at Haustmøte 2013 skal avviklast torsdag 31. oktober. Møtet vert avvikla på Skei, Skei Hotell.



.....
SOGN OG FJORDANE
SKIKREINS
.....

Med venleg helsing
Sogn og Fjordane Skikrins

Inge Fænn (s)
Leiar

Yngve Thorsen (s)
Adm. sjef